




# Hoërskool Marais Viljoen

## Marais Viljoen High School



P/Sak/Bag X011, Alberton, 1450

h/v/c/o Bodmin & Cradock St, Alberante, 1449

www.maraisviljoen.co.za GPS: S26°16.643' E28°07.972'

(T): 011 907 9013/4 (F): 011 9071038

26 Augustus 2020

Geagte Owers/Voogde

### **OMSENDSKRYWE 5 (2020)**

#### **1. VOORKOMS**

Sommige van ons leerders se voorkoms is nie na wense nie. Alle haarkappers is weer oop, so al die leerders se hare kan nou weer volgens die reëls wees.

Daarom gee ons u hierdie week grasie om u kind se voorkoms inlyn te kry met die skoolreëls.

Vanaf Dinsdag, 1 September, sal ons na die voorkoms van al ons leerders kyk en indien u kind se voorkoms nie volgens die skoolreëls is nie, sal u gekontak word om u kind te kom haal om sy/haar voorkoms reg te maak.

Maak asseblief seker dat u kind se algehele voorkoms korrek is, m.a.w. skooldrag, naels, hare, juwele, ens. Sien vanaf bl. 24 in u kind se dagboek.

#### **2. SKOOLDRAG**

Vanaf 1 September trek ons leerders somersdrag aan.

Somersdrag behels die volgende:

##### **Seuns:**

Seuns mag 'n kortmouhemp sonder 'n das saam met 'n oortrektrui (pull-over) dra. 'n Langmouhemp kan ook gedra word, maar dan moet 'n das en oortrektrui gedra word. 'n Langmoutrui mag nie, soos genoem, in die plek van die oortrektrui gedra word nie. Indien 'n leerder 'n baadjie wil dra, moet 'n das en oortrektrui / langmoutrui gedra word.

##### **Dogters:**

Dogters dra 'n kortmou oopslaanhemp saam met 'n skolrok.

'n Oortrektrui kan gedra word, maar is nie verpligtend saam met 'n skolrok nie.

Wanneer 'n dogter egter 'n langbroek en kortmouhemp dra, moet 'n oortrektrui gedra word.

In beide genoemde gevalle mag 'n langmouhemp gedra, maar dan is 'n das deel van

die uniform. 'n Langmoutrui mag in bogenoemde geval nie gedra word nie. Dogters mag 'n baadjie sonder 'n das dra, mits dit nie 'n "dashemp" met stywe kraag is nie. Swartkouse word **nie** saam met somersdrag gedra **nie**.

Ons besef dat daar in September nog koue dae kan wees, dus mag wintersdrag steeds op sulke dae gedra word.

### **3. SKOOLDRAG TYDENS COVID19**

Ten einde Covid19-maatreëls toe te pas, het ons besluit dat leerders elke week soos volg sal aantrek om die skoolklere af te wissel:

Op Maandae, Woensdae en Vrydae moet alle leerders skooldrag aantrek.

Op Dinsdae en Donderdae trek almal ondersteunersdrag aan. Indien 'n leerder nie ondersteunersdrag het nie, moet skooldrag gedra word.

### **4. STIPTELIKHEID**

Ons wil dit graag weer eens onder u aandag bring dat die skool om 7:30 (11:30) begin. Dit beteken dat al die leerders alreeds om 7:25 (11:25) by hulle klasse moet wees, sodat die klasse om 7:30 (11:30) kan begin.

U kind se temperatuur moet eers by die hek geneem word en hy/sy moet geskandeer word voordat hy/sy op die skoolgronde toegelaat kan word. Hierdie funksie word deur die onderwysers verrig, wat alreeds 7:30 (11:30) moet skoolhou.

Ons versoek u dat u u kind betyds by die skool sal besorg, sodat almal betyds by hulle klasse kan wees. Ons verkieks dat al ons leerders om 7:15 (11:15) op die laatste by die hekke moet arriveer, ten einde al hierdie prosesse afgehandel te kry.

Baie dankie dat ons op u samewerking kan staatmaak in hierdie verband.

### **5. TWEEWEEKLIKSE "AF"VRYDAG**

Aangesien die skooldae vir die leerders lank raak, het ons besluit om die skool elke tweede Vrydag om 11:00 te laat uitkom, m.a.w. die leerders wat die tweede sessie skool toe moes kom, het dus die dag af.

Hierdie reëeling kan natuurlik slegs geld indien die leerders wat die oggend by die skool moet wees, wel skool toe kom. Indien ons agterkom dat leerders in die oggend sonder 'n rede afwesig is, sal hierdie vergunning onmiddellik gestaak moet word. Ons glo egter dat almal in hierdie verband saam sal werk.

### **6. KENNISGEWING VAN BEGROTINGSVERGADERING**

Die jaarlikse algemene begrotingsvergadering vind op Dinsdag, 20 Oktober, om 19:00 in die skoolsaal plaas. Tydens die vergadering sal die begroting vir 2021 deur die finansiële voorsteller van die Beheerliggaam, mnr. Jacques de Villiers, breedvoerig bespreek word.

Die ouers teenwoordig se besluit t.o.v. die begroting is bindend vir al ons ouers en derhalwe moet die belangrikheid van ouers se teenwoordigheid beklemtoon word. Indien

daar nie 'n kworum teenwoordig is nie, sal die vergadering op Dinsdag, 3 November, gehou word en die ouers wat teenwoordig is, sal dan die kworum wees.

Vriendelike groete

**MARTIE HEYSTEK  
SKOOLHOOF**

**LEIER IN VOLLEDIGE OPVOEDING**